

保大三年
西曆一千九百二十八年

第廿二卷

南風

漢文主筆 范瓊
越文

印刷所河內東京印館

◎南風雜誌第十二年上半年目錄攷

保大三年西曆一千九百二十八年

●第一百廿五期 [西正月]

張數

北行略記

二

北行略記（續三）

廿一

鄭氏世家（續）

三

海外靈話

廿九

（文苑）古詩摘錄

十九

歷朝憲章人物誌卷之十二

五五

★第一百廿七期 [西三月]

張數

銅柱攷

卅三

北行略記（續三）

卅七

歷朝憲章官職誌卷之十三

一

歷朝憲章官職誌卷之十三

四五

●第一百廿九期 [西五月]

張數

范立齋先生傳

五七

北行略記（續五）

故黎長派侯墓碑

六九

長派侯黎僕歸國後詳情
歷朝憲章官職誌卷之十五

八十一

●第一百三十期 [西六月]

張數

南河捷錄

七一

歷朝憲章官職誌卷之十五

廿三

△第一百廿六期 [西二月]

張數

北行略記

二

北行略記（續三）

廿一

北行略記

黎儻先生遺著

黎儻北寧大卯社中村人也。進士黎允儻之子。儒生出身。管左右衛兵。昭統元年。西山兵起。帝奔涼江。公率家屬衛從。封長派侯。又奉太后與元子于高平。爲西山兵所迫。遂奉太后與元子投清。乞援。清命兩廣總督孫士毅赴援。戊申。帝復國。改授同平章事。以病歸鄉里。己酉。年。士毅兵潰。帝北行。卽糾募義兵以俟。北援再來。久無聲息。乃與從弟黎允植及鄭憲李嘉猷如清求援。至則從亡。諸臣已爲清人薙髮改裝。清人亦迫公薙髮。公曰。吾輩頭可斷髮不可斷。清帝怒繫于獄。凡十餘年。威脅利誘。終不肯屈。有詩云。身繫重犴懷素節。命隨一葉輕。清帝嘉其爲黎氏忠臣。乃放出獄。頭髮衣服聽其自便。嘉隆三年。清人許護黎帝楨及諸從亡者南歸。公存髮而歸。既奉帝與太后元子歸葬清化訖。常歸在本縣大同社寺居住。卒後。欽蒙恩卹錢營墓。公所著有北行略記一書。書係在北京獄中時所著。在清政府政權下。故辭多委曲。閱者不可不細認之也。

余姓黎名儻。江北順安府之超類縣人也。家世本儒。年二十一補昭文館儒生。以父蔭爲顯恭大夫。年二十三。丁父憂。當國中多故。遂家居養親。丙午年。阮整招廣南之西山兵。以平內難爲名。直犯黎城。古龍莊地主帥鄭楷死之。黎儻以丁三百入衛。會西將阮惠尙公主就藩。古烏州地未幾。黎王晏駕。王嗣孫繼治。黎儻奉撫諭江北規措事宜。既還。奉封伯爵。時年三十七矣。丁未年。阮惠僭號光中。委其裨武文任。犯闕。黎儻奉隨平寇將軍丁迓衝將奇兵禦之。時諸道兵皆潰。惟奇兵一堅。屯于山南之武州。擣孤壘。閱月大小三十餘戰。西山兵不敢近。西裨武文任乃分兵從別路進逼黎城。王嗣孫遜于富梁。

江
班何
俗號

豪雲集行在殆千員。水步諸兵四萬餘人。大小戰船五百餘隻。又有廣東龍門協官捕洋匪到此。以爲聲援。于是軍聲稍震。黎侗奉封爲長派侯。日者國母與宮妃元子並在太原。書到王嗣孫憂之。命黎侗與阮國棟爲坤儀宮護衛使。暨至太原。見兵單將寡。又爲西兵所迫。遂有北行之事云。

昭統二年戊申

乾隆五十三年

正月黎王嗣孫在江北。二月東幸峽山。三月南幸渭濱。時國母宮妃元子並在

太原。黎侗奉命往保護之。四月抵太原。見兵微勢迫。仍奉慈駕往高平駐于牧馬鎮。五月西兵卒至。高平藩目黃益曉承督臣阮輝宿所委。以商船奉國母等順流抵水口關。暫駐關旁之弗迷村。初九日西兵大至。黎侗與黃益曉退保弗迷河中之小阜。敵兵圍于西南。內地隘兵禦于東北。進退路窮。只得死戰。會暮大雨。以風天氣昏黑。遂乘電涉河。找小路往內地北斗陘之深山中。家丁剩有七人。黎明見國母等於山洞間。糧絕尋得玉燭米數芭以進。其餘六十人以生骨碎補根及山菜充饑。家人阮怎病瘡舌苔譖語。偶食骨碎補立愈。居數日內地守隘黃成鳳轉報龍州官通判陳名松老爺等到斗陘山查姓名。原抵送入龍州轉呈太平府知府陸大老名有仁爺轉呈道鎮臬藩撫督。六月移駐南寧府。兩廣總督孫大人名士毅詳究顛末。黎侗與阮輝宿具對之。且祈許國母等留駐內地。俾有所托。其黎侗等願回跟主以圖恢復。督府以事奏聞。奉大皇帝煥起宸衷。發兵赴援。以伸大義于天下。扶綱當于屬國。奉賞黎侗等銀五百兩并綢緞等項。許回探王嗣孫消息。八月黎侗與阮國棟從廣東海路回國。九月見王嗣孫于海陽處之四岐。黎侗奉命與翰林侍讀香派伯黎亶。翰林校理定岳伯陳名案。從徑路往內地報信并謝恩。十月謁總督孫大人于太平府。時大兵已集。是月二十四日啓行。十一月朔出鎮南關。取諒山城。僞參督潘啓德投降。督府命啓德率土兵向道。黎侗黎亶在

軍中備顧。直抵江北之保祿。三捷擒僞都督煥義侯斬之。孫大人詰黎侗謂本部堂出塞已八百餘里。何故未見王嗣孫動靜。黎侗以路阻對。因願單騎尋主許之。黎侗臨行與黎亶謀。今敵兵屢敗。彼必盛兵于市球山。阻河以拒。然彼之用兵。但知向。前常不顧。後當以奇兵襲之。必破。球營既敗。黎城唾手可得。及大兵到三層山。黎亶陳其計。孫大人從之。二十日進破球營。追到富梁江北西山棄城走。二十一日王嗣孫謁孫大人于江之北岸。二十二日克復黎城。捷聞。十二月奉天朝頒下敕印封嗣孫爲安南國王。頒黎侗總兵頂帶。是月黎王命黎侗總督兵餉。克期追勦。奈孫大人主招徠之議。促國王追取劍印。改授同平章事。時黎侗瘧疾大作。遂告假回家服藥。二十七日阮國棟黎值等奉迎慈駕至白南寧。

己酉正月黎王北遜。二月黎侗病稍起。纔知孫大人班師。國王北幸。舉目看破碎之山河。恨空

乾隆五十四年

抱天長地久。奮臂糾散亡之將士。勢難支瓦解土崩。自念曰國事至此。當復奈何。然人臣委質事君。須竭力於其所當爲而已。於是糾集同志。以俟王師。五月見表兄黎輝珵。奉兩廣總督福公諱安康爺命。回催黎侗詣關前問話。此時所圖未卒。病亦未痊。至七日起程。往南關貯命過公母山。作「雙峯峻峙。宛分茅別。瞰乾坤最邃嶠。蔚鬱椿萱欣並茂。嶙峋岵屺仰彌高。」迎風花舞斑爛色。瀑布泉篩旨美膠。使遠遊人瞻望處。解將竹石感劬勞。八月從隘店到寧明州。風聞師期已定。又聞阮惠已降。皆來准的。因作「不勞兵力誕敷文。張弛神機妙處分。肯屑戎車勞萬里。且將干羽舞三旬。」么麼小醜爲何物。蠻貊遐陬亦我民。時雨王師如再舉。願彈鶯鈍効從軍。十五日在寧明州。風聞故主在桂林。寂寞無聊。感作「去年今日在東洋。慘雨愁雲滿水鄉。遮斷歸程雲萬軸。望回去路水千汎。今年此日明江庸。月朗風清烟萬戶。嘈雜衙廝勸賞秋。紛忙國事難成趣。」風前月下枉傷悲。酷似新亭

對泣兒。拭我終宵雙盡淚。思君一日十多時。

想來在昔天香閣。君宰肅雍和且樂。君念民艱最可憐。

臣言兵事難遙度。而今君在桂林城。踪跡浮沉風打萍。駕卒蒙塵非獲已。夢回復物亦難醒。伊誰苟作眼前計。不爲綱常還爲已。鍾鼎冠裳莫念酬。鬼神天地那知畏。君臣大義重千金。何乃滔滔狗彘心。

頭裏紅巾冠已毀。頸懸白刀劍將臨。君不見嚴頭張齒常山舌。荆七張錐蘇武節。在昔轟轟做好場。到今噴噴稱英烈。又不見出師二表日星懸。擊楫中流壯志堅。莫側任天成素局。當爲自我著先鞭。

昭昭往迹芳千古。仔細思量胡不悟。却爲身家徇利名。莫圖社稷思君父。我君今日且如何。使我

秋風興想賒。漠漠置頭塵翳起。朦朧轉瞬月星斜。折膠弓弩茲堪用。甚日桓桓熊虎衆。笞彼貔貅掃

彼氛。復我山河存我統。儂雖駑鈍効從軍。鬱鬱行將夙志伸。再造乾坤欣復午。三重庭院慶長春。

二十一日太平府知府林大老爺來前略查。仍有稟略曰。上年黎僨自南寧府隨宮保孫大人回本

國。克復黎城之後。黎僨以病劇回家服藥。暨阮惠復來。黎僨以病未愈。故君奔不能從。國亡不能死。

本年二月病稍起。自念蜂蟻之情。雖可從君而北。然社稷爲重。則復歸討賊。須竭力於所當爲。目今

天朝欲伸大義於天下。扶綱常於屬國。雖孫大人一旦班師。而吊伐之師必然亟往。矧以俟蘇之望

戴舊之心。一國之民皆可用。謂宜糾合同志。招募民兵。陰誘敵將。以俟王師。卽以蠻夷攻蠻夷。因敵

將用敵兵。萬分一或可以復吾讎而贖吾罪也。於是遲迴本國日夕。與同志規措事宜。五月見國人

黎輝理等奉節將福公爺鈞命。催黎僨詣行臺問話。此時規措未完。兼病未甚愈。故阻至七月。規畫

稍就。卽來叩關貯命。仰祈轉達。尋許復出駐隘店候命。經旬未死。有感作云。客年過此不留行。今

已經旬未赴程。三宿遲遲非出晝。獨行踽踽爲存荆。權衡大義千金重。萍梗微軀一葉輕。大廈幾時

〔未完〕

◎第四世 先聖弘祖陽王
鄭氏世家（續）

王諱祚誼王第四子太妃陳氏生也。黎敬宗弘定丙午七年三月初五日誕生。甲寅十五年王年九歲受封榮郡公。黎神宗德隆辛未三年王年二十六陞北軍左都督副將西郡公奉差鎮守乂安處壬申年陞少傅神宗陽和壬午八年王年三十七奉差鎮守山南處黎貞宗福泰乙酉三年王年四十封節制左將太尉西國公裁決庶務閑安場府慶德壬辰四年王年四十七進封元帥總國政西定王丁酉年誼王薨王年五十二入正府己亥年王年五十四尊封大元帥掌國政尙父西王黎玄宗景治甲辰二年王年五十九黎皇帝加王以殊禮特命不名不拜其入朝特頒坐床于御坐之左戊申年進封大元帥掌國政尙師太父德功仁威明聖西王熙宗正和壬戌三年八月二十三日薨壽七十七歲尊封洪謨遠略安國恢疆振綱興治雄度英威揆文奮武惇大明作峻德巍功睿算神謀耿光大烈造夏肇基垂庥闡範修內攘外保和致治五十王廟號弘祖寧陵雷陽縣萬賴冊太妃武貴氏諱慈佑尊諱玉黃又諱玉禮錦江縣石磊社人洪仁公之女外貫青池縣青池社牛昭祖康王七月二十二日卒寧陵黃杯社。

正妃尊封國太母鄭貴氏諱慈厚尊諱玉瓏永福梁山人儀國公鄭賜姓永祚之孫廣國公鄭永福之女雷陽縣盛美社外皇孫吏部尙書璵郡公阮茂宜之外孫阮茂宜昭宗皇帝之外孫累世勳榮不由科舉紀在史冊欽奉保養嘉宗英皇帝尊爲國太母正妃九月初五日卒壽九十三寧陵雷陽縣安涇社果台村。

挺生男子十二懋郡公紹郡公塘郡公昭祖康王蒞忠公奠義公派郡公調郡公韶郡公宣郡公廉郡公茶郡公。

懋郡公諱德一作樹陽王長子太妃武氏所生乏嗣其女子郡主玉楷一諱玉雄配安山縣石炭社兼郡公又一女配瓊郡公鄭賜姓權茲外孫鄭億奉祀。

太宰司空紹郡公諱有陽王第二子武氏生早病卒曾孫鄭栓奉祀。

都督塘郡公諱樸一作基武氏生乏嗣生女配田郡公鄧廷生外孫培壽侯奉祀。

太宰贈蒞忠公加封太王諱棟預封合謀同德翊運贊治功臣累奉統領南征有功辛酉熙宗正和二年卒加封福神茲嫡玄孫鄭橫奉祀。

大司空署府事奠義公諱惺奉鎮守山西處辛酉正和二年卒贈奠郡公茲嫡玄孫鄭素奉祀。

大司徒副都將太傅派郡公諱榆丙辰正和二十一年卒贈大司空茲嫡玄孫指揮同知慎義侯鄭椿奉祀。

提督調義公贈調郡公諱棕嫡玄孫戊子鄉試中四場鄭允奉祀。

少保韶郡公諱樸乏嗣

宗人府宗人令國老宣忠公封茂公諱樞玄孫鄭樽鄉試中四場茲長支鄭枚奉祀。

廉郡公諱虔已受廉郡公由犯逆廢爲庶人。

茶郡公諱錦已受茶郡公由犯逆廢爲庶人。

●第五世 先聖昭祖康王

王諱根陽王第四子太妃武氏所生黎神宗德隆癸酉五年六月十三日誕生丙申盛德四年壬午

二十四受封副都將正一品太保富郡公開佐國府。統領將士往乂安討賊。丁酉年賜兼撫治乂安道陞太傅。庚子永壽三年。王年二十八。平賊有功。封節制各處水步諸營兼總政柄太尉宣國公。開理國府。嘉宗陽德甲寅三年。王年四十二。功德重望。進封元帥總國政上聖父師盛功仁明威德定王。黎裕宗永盛己丑五年。五月初十日薨。壽七十七歲。尊封洪猷神智雄才宣義敷道立政淵懿神智聖武文功承烈顯謨監憲秉哲保國綏方光前振後制治垂準盛業大功恢綱振紀綏內寧外五十二字康王廟號昭祖。寧陵安定縣建上社。後改寧永福縣金山社。岩村俗號豁玉局處。

賢妃阮貴氏。諡慈慎尊諱玉鳳。青威縣勝覽社仁宅村人。保養晉光王。三月十三日卒。寧陵本貫。

淑妃贈昭儀加贈淑訓范貴氏。諡妙美尊諱玉曉。雷陽縣美葛社人。瓊郡公范士球之女。農貢縣蒲江社廷郡公之外孫。四月十三日卒。寧陵瑞原縣福河社。後移寧海窟社。

順妃尊封保母吳貴氏。諡妙靜尊諱玉淵天本縣同隊社人。屋居保伍社。少保兼郡公之女。親勳太

保和郡公之孫。保養僖祖仁王。十一月初二日卒。寧陵保伍社。

挺生男三淳祖良穆王。謙國公。提國公。郡主玉揀玉棟玉杵。

掌宰上相謙國公。諱樞。康王第二子。良穆王之弟。值良穆王薨。拜節制謙國公。開理政府。早卒。長子鄭榆已受恆郡公。次子鄭校已受挺郡公。並犯惡逆。廢爲庶人。太宰基郡公鄭樞。襲封生琨郡公。鄭樞。

附錄謙國公挺生男三女。一基郡公鄭樞。謙國公季子也。襲封太宰基郡公。挺生參贊琨郡公。諱樞。

正當纂編金鑑寔錄之辰也。琨郡公生下朝列大夫諱樞。鄉試中儒生合式。襲陰朝列大夫。娶陳氏。

女諱姜。生下茂林郎諱樺。襲蔭茂林郎娶內捷隊該隊阮公諱洞之次女諱濫。生下子二長子鄭德霖。中今朝明命十八年丁酉科二十一年庚子恩科秀才以訓導用歷典石室布澤訓導回休。生下子三一善懋澤今長子鄭霑奉祀。

太傅提郡公諱閏康王季子早卒。長子鄭祿已受會郡公犯法賜死。諸子並被堅監。丁未年准定宗室事例。以事迹未甚顯著。特蒙放釋。仍免改姓。不得叙用。次子曹郡公鄭棖早卒。加封大王。長女郡主玉儀上配黎裕宗皇帝。號主婆內殿。挺生永慶皇帝。次女郡主玉福配桓祥侯高律。茲嫡曾孫鄭寶奉祀。

郡主諱玉採。配提督彬郡公鄭賜姓拾乃穎郡公之長子。勇郡公之外孫。長支鄭樺奉祀。

郡主諱玉棟。配貞祥侯黎時棠。

郡主諱玉欄。配太保忠郡公。加封大王黎時寮。長支駙馬黎球奉祀。

◎第六世 先德淳祖良穆王

王諱棟。康王長子。淑妃范氏所生。黎神宗慶德辛卯三年九月三十日誕生。初受封榮良侯。光宗景治五年。王年十七。陞副將副都督同知良郡公。開左匡軍營甲寅年。王年二十四。陞左都督。又陞少傅。嘉宗德元五年八月二十三日薨。壽二十八歲。贈太師。尊封國宰裕仁偉量垂休篤祐延福錫功。紹前昌後綏成嗣美。駿德燕謀。黃和中正積慶。純嘏三十二字。淳祖良穆王。寧陵農貢縣古汴社。惠妃阮貴氏。諡慈慎尊諱玉裔。一諱玉碧。安豐縣洛汭社人。四月十八日生。六月二十九日卒。壽二十。八歲生晉光王。寧陵安定縣沛洩社。

挺生男五女一晉光王。鑽郡公。渭郡公。東郡公。栓郡公。郡主玉楨。

太傅鑽郡公諱權。良穆王第二子。晉光王胞弟。已受鑽郡公。開右中營。犯法賜死。諸子並被監。丁未年准定宗室事例。以事迹未甚顯著。特蒙放釋。仍免改姓。不得叙用。茲嫡孫鄭櫟奉祀。

太傅渭郡公諱楨。已受渭郡公。開後中營。由虧禮法。被解兵權。奉許留居。太保勳郡公鄭廷棟家諸子。並許留居大臣家。丁未年准定宗室事例。特蒙雪恥。子孫並預恩例降一等。其後親孫鄭林戊子鄉試中四場官至知府。茲長子縣丞鄭德奉祀。親孫鄭櫟初授安樂縣官。歷授應天府同知府。從故君昭統皇帝北駕大清。再回蒙皇朝聖旨。特頒刑部署參知。再頒兵部署參知愛山侯。

太宰東郡公封東義侯。諱桓。茲嫡孫鄭構奉祀。

太保璫郡公加封忠孝大王。諱楨。乏嗣。奉頒涿郡公鄭椿奉祀。

郡主諱玉楨。配彰德縣良舍社人嘉郡公鄧廷碧。賜姓鄭璘。

▲第七世 先德睿祖晉光王

王諱柄。良穆王長子。玄宗景治庚戌年五月初四日誕生。初封副都將太尉晉郡公。熙宗正和戊辰九年二月。拜節制各處水步諸營兼總政權。太尉晉國公。開翊國府壬午正和二十三年十二月二十八日薨。壽三十三歲。尊封參宰英明聰睿迪哲溫文積善培基貽謀裕後紹猷昌胤篤祐延休廓度宏謨崇禧茂德三十二字上相公睿祖晉光王。寧陵淳祿縣今改豐祿富田社。

太妃進封徽柔純德太宗張貴氏。諡慈宣。尊諱玉楨又諱本。嘉林縣如京社人。延慶公張譽之女。添郡公張仍奮郡公張讓之姊也。生僖祖仁王。四月二十六日生。景興庚午十一年八月二十八日卒。壽

八十三。初寧陵嘉林縣陽光社後移安定縣沛湧社。

正妃陳貴氏謚溫容尊諱玉然東城縣安果社人廉郡公陳登瀛之女十月二十六日卒寧陵安定縣沛湧社。

次妃諱玉繪謚慈碩贈封惠娥卒葬安山縣仙侶社。

王府侍內第二嬪尙容院尙容贈封尙穆院尙穆阮貴氏謚懿行尊諱惠青威縣勝覽社仁宅村人。

生下兩王子。

洵郡公建立營宅于伊村之西因居焉十月初八日卒寧陵伊縣茂良社號慈穆。

尙穆院尙容院

尚容。尙和院尙和。尙貞院尙貞。尙文院。尙文。尙德院尙德。宮中官制並從四品。

挺生

男十六女十四

允忠公僖祖仁王珣郡公鼎郡公瞰郡公泳郡公保郡公芳郡公欽郡公慎郡公信郡公。

裕郡公瓊郡公匡郡公謹郡公寬郡公瑞郡公郡主玉椿玉機玉樸玉杵玉槐玉枚玉案玉楮玉槿

玉桺。玉芳。玉榕。玉橈。

前和軍營都督府左都督副都將掌府事兼宗人府宗人令監知功臣大司徒國老允忠公贈封淵

公諱擇次妃惠妃所生預封推忠翊運贊治功臣公年長於仁王惟以次妃姓氏不顯未應繼治公

歷事三朝勤勞忠誠有功國家而愈自謙抑爲功臣之冠景興甲申二十五年卒長子潤郡公早卒

嫡孫縣丞鄭構奉祀今

由重修之今

長支鄭櫟奉祀

特進輔國上將軍東軍都督府都督詹事贈都督左都督副將珣公諱樞早卒乏嗣胞弟泳郡公次子奉祀

左和軍營兼宗人府左崇正大司馬鼎忠公加封肅公諱柱預封翊運贊治功臣長子右校點安寧侯鄭挺奉祀

太保副都將職郡公諱衍。長子參督慧忠侯鄭柑奉祀。

特進輔國上將軍中軍都督府左都督。從一品贈太保正二品副將沐郡公諱奎。長子指揮使科壽侯鄭

楨奉祀。後親孫鄭櫂丙子鄉試中四場授長史職。

左都督副將保郡公諱槐。長子校尉端壽侯鄭麗奉祀。

都督同知副將芳郡公諱秘。長子校尉旺義侯鄭勳奉祀。

太保副將欽郡公諱挺。嫡孫縣丞鄭樸奉祀。

都督詹事副將慎郡公諱格。由出家修行住紅枚坊蓮宗寺號天王菩薩。長子鄭佑奉祀。

都督信郡公諱樟。長子鄭棋奉祀。

左都督副將瑣郡公諱橒。乏嗣允忠公次子都指揮使直義侯鄭權奉祀。

中左隊指揮詹事副將匡郡公諱校。長子同知府鄭樸奉祀。

都指揮同知副將謹郡公諱綏。一諱采乏嗣胞兄保郡公次子鄭欖奉祀。

左都督副將寬郡公諱鼎。長子琰義侯鄭淡奉祀。次子鄭謙博舉中造士。

都督僉事副都將瑞郡公封瑞忠公諱檳。季子之次子鄭村奉祀。被凶逆遇害。今親孫鄭朗奉祀。

郡主諱玉欄配霑郡公黎時夤。春輝長上郡主諱玉椿配萱郡公黎時淏。

郡主諱玉機配宗人府右宗正穎郡公黎挺。郡主諱玉樸配太保勳郡公鄧廷諫。

郡主諱玉杵配指揮振祥侯陳功果。郡主諱玉規配總兵同知溢壽侯鄧廷魁。

郡主諱玉枚配指揮同知祥壽侯鄧廷牲。郡主諱玉案配都指揮使欅壽侯黎性。

郡主諱玉楨。配都指揮使擢壽侯高爍。

郡主諱玉槿。配指揮同知俊武侯阮德擢。

郡主諱玉楨。配都指揮使潤派侯鄧廷提。

郡主諱玉芳。配總兵同知顯忠侯鄧廷謹。

郡主諱玉堯。由晉光王不認。奉僖祖仁王軫及徵召。

御旨頒號郡君。配鐸壽侯枚世晏。

●第八世 先聖僖祖仁王

王諱樞。晉光王第二子。太妃張氏生。黎熙宗丙寅永治十二年五月十九日誕生。庚辰年王年十五。封副將普安侯。壬午年。晉光王薨。王年十七。陞普郡公。癸未年。王年十八。是年正月封節制各處水步諸營兼總政權太尉普國公。開理國府。裕宗乙丑永盛五年。王年二十四。入正府。進封元帥總國政安都王。壬辰年。進封大元帥。總國政上師。尚父威明仁功聖德安王。永慶元年十一月二十八日薨於嘉林縣館緣處。壽四十四。尊封溫穆莊肅寬裕徽濟經文緯武洪謨大略垂統憲天神謀睿算。闢國開疆耀武宣威輯鄰和夏振綱陳紀和衷迓衡四十四字仁王廟號僖祖。前寧陵東山縣赤路社後寧唐安定縣快樂社裴賀村。

太妃尊慈封懿功厚德莊行端儀匡運衍福弘猷裕澤崇基太慈國聖母武貴氏謚慈德尊諱玉源。一諱玉媚。己巳年三月二十一日生。唐安縣鄧墅社人。濬澤公武必做之女。外貲東安縣紫陽社。少時爲太保題郡公養子。保養懿宗徽皇帝。辛未景興十二年九月二十一日薨。壽六十三歲。前寧陵瑞原縣金鑊社青章村俗名几鑊。除他麻四畝。存九畝。鄭榕斷賣與伊社。乾元村名茹旬茹眼錢三十貫。後靖王移厝永祿縣本始社。

次妃陳氏。姊妹諱玉琰。諱玉嬪。謚慈貞。謚慈淑。懿安縣添祿社滾郡公之女。大王陳公桓之孫。姊妃生鄉郡公。妹妃生麗郡公。姊妃卒。葬平陵縣永泗寨。妹妃卒。葬清池縣定功社下村。

挺生男七女八。裕祖順王壽郡公。福郡公。毅祖恩王鄉郡公。輝郡公。嚴郡公。公主玉梧。皇后玉禋。郡主玉極。玉樁。玉福。玉栢。玉柏。

壽郡公諱檉。受封壽郡公。開右和府。被責故。謚敬慎乏嗣。

提督副將福郡公。封順忠公。褒封大王諱檉。卒。賜謚恭慎。長子丁丑科博舉中造士同用。鄭棕奉祀。前和軍營副都將鄉郡公。諱橋。長子鄭萱。次子鄭彬。壬辰科博舉並中造士同用。茲次子鄭彬奉祀。中前隊副將輝郡公。諱櫓。卒。賜謚恭雅。號曰道官。長子鄭祥奉祀。

右和軍營署府事監知宗室副都將嚴郡公。贈封大王諱柄。季子尙黎顯宗永皇帝第二公主。卒。賜謚忠敏。生下四子。青楮福樹長子鄭青奉嘉隆欽頒權守奉祀。衆子並博舉中造士同用。青楮中丙子科。福樹中壬辰科。長子鄭青奉祀。

太長公主諱玉椐。配嘉林縣如京社讓郡公張涯。

皇后諱玉禋。上配黎嘉慶永皇帝。郡主諱玉樁。配沐郡公鄧廷鑑。

郡主諱玉樁。配祿壽侯黎時祿。一作球壽侯黎時球郡主諱玉福。配參督敦忠侯阮性。

郡主諱玉栢。前配指揮質武侯張廷質。後配造士參督芳淇侯吳福濶。

郡主諱玉栢。配信忠侯阮熙載。溫如侯之父。乃超類縣柳岸社超郡公。留守父安鎮阮嘉珠之子。

第九世 先聖裕祖順王

王諱杠。仁王世子。太妃武氏所生。恩王胞兄。簡宗龍德辛卯七年九月初三日誕生。己酉年仁王薨。

王年十九。庚戌年王年二十繼治進封大元帥總國政尚師太父聰德英質博達懋和綏猷裕義全王已未年王抱恙。王胞弟恩王攝政。庚申年王三十尊封太上王顯宗景興辛巳二十二年十二月初五日薨。壽五十一年。尊封恭讓寬惠純粹輝嘉廣淵博厚履道謙光宣慈愷悌厚德遠謀二十四字

順王廟號裕祖。初寧陵瑞原縣仁里社後親孫鄭椿移回永祿縣本始社附於仁王太妃武氏陵右。

太妃尊封莊行厚德徽柔肇慶大宗黎貴氏謚莊淑。尊諱玉清。三月初三日生。清池縣仁睦社上亭村人。工部尙書晉郡公黎廷預之女。福泰元年癸未科進士癸酉年六月二十五日卒。寧陵安山。

挺生男四女二桐郡公晏都王程國公棋郡公。郡主玉挺郡主玉旃。

太傅桐郡公諱桐順王長子晏都王之兄。順王遜政後始生。己卯開營。景興丙戌二十一年三月十八日卒。久後褒封大王。太保程郡公諱桐丁未年五月初一日遇西山害死節。

太尉棋郡公一作琦諱梧一作梧辛亥年四月十四日遇西山害死節。郡主諱玉挺。五月初七日早卒。

郡主諱玉旃。配權府潤澤侯裴時潤號駙馬純。己酉年五月十三日卒。

○第十世 先聖誼祖恩王

王諱楹。仁王第四子。順王胞弟。簡宗龍德庚子二年十一月初五日誕生。初封郡公。己未年王年二十攝政。平章軍國重事。庚申年順王抱恙。王以諸將臣推戴。繼承大統。進封大元帥總國政上師尚父英斷文治武功明。王上扶黎顯宗永皇帝。南平銀笳。西平五十虜渠輪。破詹質。掃除禍亂。身致太

平景興丁亥二十八年正月初八日薨。壽四十八。尊封神謀睿算盛德放勳洪慈達孝宏謨大烈闡猷基績定武開平迪文敷訓遠謨厚澤三十二字恩王廟號毅祖。初寧陵安定縣鄭甸社後癸卯年端南王移厝金城社。一作金域

太妃尊封隆德至功懿範嘉謨嗣徽毓哲篤慶宣和保胤翊基福弘貽謀綿緒大宗國聖母阮貴氏謚慈澤尊諱玉炤。庚子年二月二十一日生青池縣萃塘社人肇慶公之女挺生盛王扶立端南王。甲辰年七月二十八日卒壽六十五寧陵永祿縣多筆社寢廟在墓山之下。前左邊廟被西山撤爲楊舍販望堂。惟石武士在焉。

正妃尊封莊慈淑行謙柔恭懿保翼崇德迪哲弘麻阮貴氏謚莊貞尊諱玉榮正月初三日生雷陽縣盛美社人倫忠公阮倫之女景興癸未二十四年十二月十一日卒前塋在鄭甸社又同改塋金城社前後同恩王陵。

挺生男三女四敏慧公聖祖盛王瑞郡公公主玉楮一作玉欄郡主玉櫛玉敬玉棲。

敏慧公諱櫛一作楠恩王長子正妃阮氏生盛王之兄早卒塋壽昌縣紅枚坊後爲伊坊福神後伊坊人號詹濯犯毀公墓祠宇監守鄭榕已申訴詹濯乞謝禮修作如原。

太傅瑞郡公諱棟遇西山寇害長子光興府同知府鄭櫛奉祀。

長上仙花公主諱玉櫛國史作潤正妃阮氏生配皇太子黎維禕號皇儲未歸早卒號婆主窺時景興二十二年七月二十三日郡主諱玉櫛配參督明武侯武廷明。

郡主諱玉敬配造士典郡公黃廷寶又改輝郡公後寶爲驕兵所害。

郡主諱玉棲配造士恭武侯阮廷恭。

★第十一世 先聖聖祖盛王

王諱森。恩王第二子。大妃阮氏所生。懿宗己未永佑五年二月初九日誕生。初封郡公。開諒國府。景興戊寅十九年進封節制各處水步諸營兼總政機太尉靖國公。裁決國家庶務。顯宗丁亥二十八年恩王薨。壬寅景興四十三年九月十三日薨。尊封紹天興運制治開疆洪量英猷正誠仁孝十六字盛王。廟號聖祖。初寧陵安定縣鄭福社後避西山寇移回汴上鄉。

太妃楊貴氏尊諱玉歡。石河縣隆福社人。浩慶公之女。生端南王。由國變妃薨於民間。欠謚。葬在興教社及疇處。

正妃尊封徽音敬德端慈正妃黃貴氏謚懿淑。尊諱玉芳。二月初八日生。青池縣芩塘社大慈村人。厚惠公之女。十一月十八日卒。葬在大慈村。生下二女。仙跡寺乃盛王爲正妃追進而建。出雨中隨筆

宣妃鄧貴氏尊諱玉蕙。仙遊縣扶董社人生。奠都王。九月十四日卒。欠謚。

挺生男二女二 端南王。奠都王。郡主玉棟。郡主玉栓。

郡主諱玉棟。配造士鑑忠侯裴世遂。

郡主諱玉栓。配璘忠侯鄧廷璘。卽宣妃之弟。後璘犯法發配遠州。

奠都王。王諱樞。盛王季子。顯宗景興丁未三十六年誕生。壬寅年九月十三日薨。大臣受顧命。進封大元帥總國政。奠都王。十月二十五日清丈二處諸軍尊扶端南王。降封奠都王爲恭國公。是年十一月十三日薨。年纔八歲。

●第十二世 端南王

王諱棕又諱楷。盛王長子。黎顯宗景興癸未二十四年九月初四日誕生。庚子年被姦臣吳時任誣告織成逆狀。降爲季子。後特頒改爲鄭楷。及盛王薨。大臣奉幼主奠都王繼治。是年清父諸軍尊扶王繼治。特進封王爲大元帥。總國政。上師尙父文德武功端南王。嗚呼天命難忱。而三府兵驕。逆臣謀叛。景興丙午年六月二十六日西山犯闕。王西奔被巡莊巴炳謀反。是月二十八日王自便壽二十四歲。其臣進士李陳瓊亦死之。謚靈王。初寧陵慈廉縣驛望社。後移厝在東山縣布衛總香炮內村地分修麻寺之左邊金星上安穴。這嶺自本寺至金星約數畝。本社人舊臣號翁顧侯之子孫名里奇密自奉守。

附錄是年王西奔至安朗縣。小臣阮屹號屹炳。乃東岸縣雲恬社進士。尙書阮審之孫。進士阮賞之子。從王至夏雷社。屹炳奉王入伊社。阮漸號巡莊家。乃彼故人。進士李陳瓊奉命招撫北方。適遇陪候。至二十八日巡莊引西山寇捉王。李陳瓊猝驚。乃泣拜自刎于王前。以白其心。王亦自便焉。後巡莊屹炳將王納西山寇在昇龍城。西山還問原故。極數屹炳不忠之罪。立斬之。存巡莊許回屬山西鎮防禦。是年八月晏都王繼治時。山南鎮守帳忠侯。乃慈廉東鄂署府杜世楷之子。出治尋捉巡莊。押至王墓前斬之。以行謁禮。

妃王阮貴氏諱春貢天長府南直縣上農社。生下世子諱樞。逢國家否運。有大志未就而卒于永順縣瑞章社。今曾孫林奉祀。

▲第十三世 晏都王
王諱桂又諱桂。順王第二子。恩王之姪。盛王之從兄。顯宗景興己巳十年七月十三日誕生。初封桂郡。

公王寅年王三十四封都將太傅宗人府宗人令柱國琨郡公丙午年六月端南王薨是年八月十二日人心推戴進封大元帥總國政太師尙父晏都王辛亥年王西奔古隴冊隸錦水縣意圖恢復爲蠻獠謀反是年四月十四日王薨于陽舍社壽四十三王弟太尉棋郡公鄭榕及卓忠侯鄭棹死之後王季子太保靈郡公鄭楨奉王靈骸寧陵于豐祿縣登陽社卓忠侯亦附葬在此惟棋郡墓尙在陽舍社

正妃進封貞慎烈節正妃阮貴氏號妙正

一作貞慎

尊諱玉圓

安越縣光表社人恭郡公之女

是時從

淑妃尊封溫容懿德淑妃馮貴氏謚莊潔

一作端潔

尊諱玉然

辛未年八月十五日生

山西

安樂屋籌

壽二十九歲

社人匡郡公之女己亥年十一月初一日卒

壽二十九歲

挺生

男四女二

憲郡公

樣郡公

捷郡公

靈郡公

郡主玉榕

玉銀玉採

太宰憲郡公諱栻晏都王長子淑妃馮氏生辛卯年五月初八日生

欽奉

節制

水步

諸營

平章軍國

重事開諒國府是辰黎皇北奔惟公糾合諸將銳志匡扶與深武侯寶武侯等攻破西山數陣後爲叛臣副戶載謀逆因死節焉時壬子年六月十三日也壽二十三忌附宮廟

太傅様國公諱樣晏都王第二子淑妃馮氏生癸巳年八月初二日生

戊申年二月

欽奉

統領

諸營

討賊有金榜之勝後復與僞司空知籍內攻事泄因往山南下鎮糾合諸將士病卒於瑞英之原辰

丙寅年二月二十三日壽三十四後副禮偉忠侯有詩弔云惆悵如今更幾番悠悠無路問蒼天罵

廷難擬興辱甲望國誰教作杜鵑已矣香魂朝列廟哀哉神考泣重泉孤臣一片丹心處半爲公悲

半自憐

有金榜之勝後復與僞司空知籍內攻事泄因往山南下鎮糾合諸將士病卒於瑞英之原辰

丙寅年二月二十三日壽三十四後副禮偉忠侯有詩弔云惆悵如今更幾番悠悠無路問蒼天罵

廷難擬興辱甲望國誰教作杜鵑已矣香魂朝列廟哀哉神考泣重泉孤臣一片丹心處半爲公悲

半自憐

太尉捷郡公諱捷。安都王第三子。淑妃裴氏生。甲午年四月初九日生。丙午十一月封太尉捷郡公。統領諸營往京北安集。後復護駕於竹薦。邯江之戰。戊申年十一月。率諸將迎黎皇於滄江。欽頒金牌銀印。先鋒略地。斬殺賊兵無算。己酉年正月初五日。北朝兵敗。追隨黎皇至廣東。泣血求援。不果。復回本國入永同行在護駕。王上至古隴。冊事變奔哀牢。援兵復讎。殺得叛衆無算。自束髮以來。垂二十一載。百戰間關。以雪君父之讐。有滄江諒山之大勝焉。至丙辰年復糾合東北諸將士。往攻諒城。不克。因自刎焉。壽二十三。其辰副將擇忠侯捍國侯亦死之。

太保靈郡公諱楷。字敦樸。號安循先生。安都王季子。乙未年生。皇朝壬戌嘉隆元年三月。有詔求不至。欽頒監守祀事。娶黎氏女生鄭植。鄭樸次娶鄧氏女生鄭欖。己卯年六月二十日卒。壽四十五。今長支鄭憶奉祀。

郡主諱玉榕。馮氏生。配指揮同知起武侯阮廷超。正月二十七日卒。

郡主諱玉銀。馮氏生。配前步溪武侯黃崇溪。五月二十九日卒。壽二十七。

郡主諱玉採。配海陽南策。至靈潢池社進士陳璣之子陳璲。忌日失詳。

右自太王至晏都王凡十三世。正王位自正治己巳(695)十二年至丙午(780)昭統元年。凡二百二十餘年。

▲ 古詩摘錄

◎ 文苑

贈藤江洲歌者

二首

周臣高伯适

色笑流年

最憐阿瞞子。新聲誰唱想夫篇。酒杯楓葉蘆花外。鄉夢孤鴻夕照莫向楊州談往事。桃花春

其一 赤藤洲上草連天。半月湖頭淨暮煙。舊恨。

其二

倉山公餽物贈詩偶因失子之戚淒涼

交感

古人不識今人恨。纔到傷離說盡情。今日
欲辭南浦道。何人更唱北宮聲。寒衣孤館風霜
小暮舍荒村。竹樹平笑殺潯陽醉司馬。青衫何
事淚縱橫。

珠龍寺憶別

一別違三友。重來近六旬。艱難俱作客。寂寞半
傷春旅夢驚。蕉雨離思隔。馬塵倚欄愁不語。數
徧眼中人。

★出橫山關

殘雲剩草一吟翁。絕水窮山路更通。過海地驚。
三級浪出關天返。五更風文章命信。生初定行
止心先著處。空爲問南來遊宦者。入秋瀟洒幾
人同。

◎獨夜

城市喧卑地。乾坤老病夫。齋躬成冗剩。屏迹亦
泥塗。寒潦仍連發。災黎况未蘇。太平無一略。鹿
鹿恥爲儒。

向天

據梧蕭散自長歌。瘦骨支離擁鬢華。老去文章
知己少。貧來口腹累。人多鄉園夢阻。三秋潦兒
女愁連薄暮。鴉誰道毛卿成碌碌。平原門下更
蹉跎。

●除夜

帝車高捧絳雲遙。一夜東風北斗杓。九陌烟花
環大內。五樓燈火耿殘宵。笑埋詩草防人乞懶
把屠蘇。避客邀見說金門。饑不死歲星長戀聖
明朝。

○園居值雨

散髮春風劇可憐。若爲曳履曉軒前。雨緣愁落。
難成陣花及寒開。半不圓短褐閒吟。拋永日長
鑄生計。問新年青袍如草遊無處。獨把衰顏笑。